

朔方道志卷之十六

人物志一 鄉宦

嘗思天下之人才皆天地之正氣所賦朔方自秦漢以來人才輩出無論名臣純儒孝子節婦可壯河山即降而隱逸任俠技藝釋道亦莫不各造其奇特精微可歌而可泣類皆扶輿清淑之氣若獨有所鐘毓焉猗歟休哉流芳史冊矣志人物第九

鄉宦

漢

傅

燮字南容靈州人黃巾賊亂燮上疏陳致亂之原請速行讒佞之誅言甚剴切中常侍趙忠惡之會燮功當封忠譖之帝猶識燮言不加

罪尋任爲議郎帝使忠論討黃巾功忠使弟延殷勤於熒曰公少答萬戶侯可得也熒正色曰遇不遇命也有功不論時也傳熒豈求私賞哉忠愈恨出爲漢陽太守韓遂擁兵圍漢陽城中兵少食盡熒子幹言於熒曰國家昏亂令大夫不容於朝今不足以自守宜還鄉里徐俟有道而輔之熒嘆曰汝知吾必死耶聖達節次守節殷紂暴虐伯夷不食周粟而死吾遭世亂不能養浩然之氣食人之祿又欲免其難乎吾行何之必死於此汝有此才智勉之勉之遂進兵戰歿諡曰壯節侯

魏

傅 嘏字蘭石弱冠知名司空陳羣辟爲掾劉邵作考課法嘏建議駁之時韙其論後爲河南尹治以德教爲本持法有恒遷尙書衆方議伐吳嘏謂惟進軍大佃坐食積穀乘釁討襲斯爲全勝計時不從魏軍竟

爲諸葛恪所敗司馬景王薨嘏與司馬文王還洛陽遂以輔政以功晉
楊鄉侯卒時年四十七諡曰元侯

晉

傅 祗字子莊嘏之子起家太子舍人累遷散騎黃門侍郎封關內侯
陽駿輔政欲悅衆心議晉封爵祗作書止之駿不從駿誅祗爲侍中多
所推正趙王倫輔政以爲中書監祗辭以疾倫遣御史輿祗就職王戎
陳準等相謂曰傅公在事吾屬無憂矣其爲人物所倚信如此懷帝即
位加右僕射中書監及洛陽陷沒衆共建行營推祗爲監主赴告方伯
徵義兵祗自屯監津以暴疾薨自以義誠不終手書勵其二子宣暢詞
旨深切覽者莫不感激慷慨宣暢亦並有令名

梁 祚北地泥陽人篤志好學歷治諸經尤善公羊春秋鄭氏易與幽

州別駕平恒有舊恒時與論經史辟秘書中散秩遷秘書令爲李訴所
排出爲統萬鎮司馬徵爲散令選并陳壽三國志名曰國統又作代都
賦行於世清貧守素不交勢貴年八十七卒

傳 元字休奕熒之孫性剛勁亮直州舉秀才除郎中武帝卽位初置
諫官以元爲之尋遷侍中轉司隸校尉每奏劾無所容貴遊震懾臺閣
生風封清泉侯卒諡曰剛

傳 咸字長虞元之子剛簡有大節襲父爵拜太子洗馬累遷御史中
丞兼司隸校尉顧榮稱其勁直忠果劾案驚人

傳 瑗咸之孫以學知名仕晉官至安定太守

南北朝

傳 亮字季友宋國初官尙書令武帝有受禪意亮悟旨請暫還都許

之亮夜見長星竟天拊髀曰我常不信天文今始驗矣至都帝卽徵入輔少帝卽位領護軍將軍少帝廢亮奉迎文帝卽位加開府儀同三司元嘉三年被害

傳 廸亮之兄仕宋官至尙書亮方貴廸每誠不從見世路屯險著論名曰演慎及少帝失德內懷憂懼直宿禁中睹夜蛾赴燭作感物賦以寄意

傳 昭字茂遠咸七世孫袁覬常來昭所昭讀書自若覬嘆曰此兒神清不凡必成佳器安成郡自宋來兵亂相接府舍稱凶每昏旦間人鬼相觸及昭爲內史有人夜見甲兵出曰傅公善人不可侵犯自是郡遂無患咸以昭貞正所致昭蒞官清靜爲政不尙嚴肅居朝無所請謁終日端居以書記爲樂雖老不衰世稱爲學府

傅 映字徽遠昭之弟三歲而孤謹身嚴行非禮不行緒彥回欲令仕映以昭未解褐辭後累遷中散大夫光祿卿大中大夫

傅 琰字季珪仕宋爲武康令遷山陰令並著能名二縣皆謂之傅聖
傅 翽琰之子爲官能名後爲吳令建康令孫廉問曰聞丈人發奸擣
伏惠化如神何以至此答曰無他清則憲綱自行勤則事無不理憲綱
行則吏不能欺事自理則物無凝滯欲不理得乎又代劉元明爲山陰
令問元明日願以舊令尹告新令尹答曰我有奇術卿家譜所不載臨
別當相示旣曰作縣令惟日食一升飯而莫飲酒此第一策也

傅 岐字景平翽之子博涉能占對豫州刺史貞陽侯蕭淵明率衆伐
彭城兵敗陷遣使還述魏人欲更通和好勅有司及近臣定議朱異曰
和爲便議者並然之岐獨曰此必是設間故令貞陽遣使令侯景自疑

不可許高祖從異議侯景果疑舉兵反復通表乞割江右四川當解圍
敕許之景求遣宣城王出送岐固執宣城嫡嗣之重不宜許遣石城公
太款送之及與景盟訖城中文武喜躍望得解圍岐獨曰此和終爲賊
所詐衆並怨怪之及景背盟莫不嘆服尋有詔以岐勤勞封南豐縣侯
不受宮城失守岐帶疾出圍卒

傅 縡字宜事幼聰敏七歲誦古詩至十餘萬言爲文典麗性又敏速
雖軍國大事下筆輒成未嘗起草甚爲後主所重然性強頗負才使氣
陵侮人物朝士多銜之會施文慶沈客卿以佞見幸專制衡軸而縡益
疎文慶等因共譖之後主收縡下獄縡素剛憤恚上書後主怒頃之稍
解使謂曰我欲赦卿卿能改過否縡對曰臣心如面面可改則臣心可
改後主益怒令宦者窮其事賜死獄中

傅宏之字仲度泥陽人傅氏舊屬靈州漢末郡境爲虜所侵寄寓泥陽富平二縣故傅氏悉屬泥陽晉武帝太康三年復還靈州宏之少倜儻有大志歷官建威將軍順陽太守從高祖入關宏之善騎乘於姚宏馳道內緩服戲馬或馳或驟往返二十里中甚有姿制羌胡聚觀者數千人進爲桂陽公義真雍州治中從事史除西戎司馬寧朔將軍略陽太守平徐師高屢破赫連環後義真東歸佛佛傾國追躡宏之軍敗不屈死時年四十二

傅隆字伯祚高祖咸晉司隸校尉曾祖晞司徒隆少孤貧有學行不好交遊年四十始爲建威將軍元嘉初遷御史中丞當官而行甚得司直之體出爲義興太守尋轉太常致仕手不釋卷特精三禮謹於奉公常手抄書籍

宿 石朔方人赫連屈丐弟文陳之曾孫父杳干從世祖討蠕蠕戰歿
石年十三襲爵從苑中游獵石走馬引前道駿馬倒殞絕久之乃蘇由
是御馬得制高宗嘉之賜以綿帛駿馬又常從獵高宗親欲射猛獸石
叩馬諫引帝至高原上後猛獸騰躍殺人帝褒美其忠賜馬一匹尚上
谷公主拜駙馬尉官吏部尚書進爵太山公卒子倪襲爵
隋

李 徹字廣達嚴綠人性剛毅偉容儀饒武藝武帝時從皇太子西討
吐谷渾以功賜爵同昌縣男後從拔晉州及帝班師徹與齊王憲屯鷄
栖原齊王高緯遣其驍將躡憲於晉州憲師敗徹等力戰賴以獲全復
從帝破齊師於汾北乘勝下高辟拔晉陽擒高諧於翼州宣帝卽位從
韋孝寬略定淮南授淮州刺史安集初附甚得歡心隋高祖受禪進爵

齊安郡公時蜀王秀亦鎮益州上謂侍臣曰安得文同王子相武如李廣達者乎其見重如此沙鉢略率兵犯塞上令衛王爽爲元帥率衆擊之以徹爲長史遇虜於白道徹率精騎五千掩擊大破之沙鉢略潛遁以功加上大將軍沙鉢略因此稱藩未幾沙鉢略爲阿拔所侵上疏請援以徹爲行軍總管率精騎一萬赴之阿拔聞而逃去左僕射高頴之得罪也以徹素與頴相善因被疎忌不復任使

史 祥字世休朔方人高祖踐祚拜祥同領交州事有惠政轉驃騎將軍從王世積伐陳破之進拔江州後以行軍總管從晉王廣擊突厥於靈武破之遷右衛將軍率兵弘化以備胡煬帝初漢王諒祚反遣其將綦良自滏口徇陽塞白馬津余公理自太行下河內帝以祥爲行軍總管軍於河陰祥謂軍吏曰余公理才用素不足稱乃令軍中修攻具簡

精銳於下流潛渡討綦良良棄軍走祥縱兵乘之殺萬餘人進位上將軍賜縑綵七千段女妓十人良馬二十匹轉太僕卿帝嘗賜祥詩嘉獎備至尋遷鴻臚卿從征吐谷渾祥出間道擊之俘男女千餘口賜奴婢六十人馬二百匹進位左光祿大夫拜左驍衛將軍

史 雲字世高祥之兄官至萊州刺史武平縣公

史 威字世武祥之弟官至武賁郎將武當縣公

宇文忻字仲樂朔方人從周武帝平齊進位大將軍佐高顗破尉迥加上柱國封英國公忻少解兵法馭戎齊整當時大軍有一善事雖非忻所建在下輒相謂曰此必英公法也

唐

韓游環靈武人始爲郭子儀裨將安祿山反赴難功第一李懷光反誘

游環爲變游環自發其書帝謂曰卿可謂忠義矣功與渾瑊齊

楊懷賓朔方人爲韓游環將李懷光反懷賓殺賊黨張昕及同謀者告行在德宗勞問授御史中丞

楊朝晟字叔明夏州朔方人興行間歷官邠寧節度使朝晟請城方渠合道水波以遏吐蕃路詔問須兵幾何報曰部兵可辦帝問前日城五原興師七萬今何易耶對曰鹽州之役虜先知之今薄戎而城虜料王師不十萬勢難輕入若發部兵十日至塞下未三旬城畢集芻聚糧留卒守之寇至不可拔萊野翦夷虜且走此萬全之計也若夫發兵閱月乃至虜亦來來必戰戰則不暇城矣帝納其策師次方渠水乏有青蛇降險下走視其跡水從而流朝晟使築防環之遂爲淳淵士飲仰足圖其事以聞有詔置祠命泉曰應聖已城虜衆至度不能害乃引去

戴休顏夏州人家世尙武志膽不常郭子儀引爲大將討平黨項羌以
功封咸寧郡王兼朔方節度副使朱泚反率兵馳奔行在德宗嘉之賜
實封三百後留守奉天李懷光屯咸陽使人誘之休顏斬其使勒兵自
守遷奉天行營節度使合渾城兵破泚斬首三千級追至中渭橋京師
平又與城率兵趨岐陽邀泚殘黨加檢校尙書右僕射從乘輿至京師
拜左龍武軍統軍卒贈揚州大都督弟休璿歷開府儀同三司封東陽
郡王休晏歷輔國大將軍封彭城郡公俱以將略稱

史敬奉靈州人走逐奔馬矛矢在手前無疆敵破吐蕃解鹽州圍益封
五千戶

何進滔靈州人少客魏事田宏正宏正攻王承宗承宗引精騎千餘馳
魏壁進滔率猛士逐之從討李師道以功兼侍御史史憲誠死軍中傳

諄曰得何公事之軍安矣進滔下令曰公等既迫我當聽吾令衆唯唯
執殺前使及監車者斬九十餘人釋脅從者素服臨哭將吏皆入弔詔
拜留後俄進授節度使居魏十餘年吏民安之

康曰知靈州人少事李惟岳擢趙州刺史惟岳叛曰知與別駕李濯及
步將百人共盟固州自歸惟岳怒遣先鋒兵馬使王武俊攻之曰知使
客說武俊引兵還斬惟岳以獻德宗美其謀擢爲深趙觀察使會武俊
拒命遣將攻趙州曰知破之徙奉誠軍節度使又徙晉絳加檢校尙書
左僕射封會稽郡王卒贈太子太師子志睦以功封會稽公承訓亦以
功封會稽郡男

李抱玉本安興貴曾孫世居河西代宗朝兼澤潞節度使弟抱貞初授
汾州別駕後擢州刺史兼澤潞節度副使時賦重民困軍伍彫削抱貞

乃籍戶丁蠲其徭租令間月習射歲終大較親第其能否而賞責之三年皆爲精兵

宋

周美字之純靈州回樂人眞宗幸澶淵常令宿衛累遷秩副都總管在邊十餘載所向輒克諸將服之

周永清字肅之世家靈州州陷於夏祖美歸京師永清以廕從仕宰相龐籍薦其忠勇加閣門祗候押時服賜夏國至宥州夏人受賜不跪詰之恐而跪歷渭州鈴轄渭兵勁而陣伍不講永清訓以李靖法帥蔡挺上其圖以令諸軍知德順軍夏衆入寇擒其酋呂效忠募勇士夜襲夏帳斬三百級俘數千人獲駝馬甲器萬計並禁地三百里盜耕不可禁永清拓籍數千頃置射士二千聲聞敵廷降者引入帳下待之不疑

多得其死力威名甚著擢涇原路鈐轄知涇州

幹道冲字聖宗靈武人其先從僞夏主遷興州世掌夏國史道冲通五經爲番漢教授譯論語註別作解義三十卷又作周易卜筮斷以其國字書之行於國中後官至其國之中書宰相

元

李徵字幹臣夏國族子金末以經章中選旣長入爲質子以文學得近侍元太宗嘉之後從伐金及下淮甸累官廣陽軍萬戶

高智耀河西人世仕夏祖良惠爲夏右丞相智耀登本國進士夏亡隱賀蘭山元太祖召見將用之遽辭歸後入見憲宗言宜蠲徭役世祖時又言儒術有補治道拜翰林學士遷夏中興等路提學按察使卒贈夏國公諡文忠子睿年十六授符寶郎出入禁闥詳雅恭謹歷嘉興路總